

14 कुदरत दे कन्नै नाच

क्या तुसें कदे कुदरत दे नाच गी मसूस कीता ऐ ? कुदरत च किस चाल्ली दी लय ते गतिविधियां होंदियां न ? ओह कुसलै होंदियां न ? ते हां ! तुं'दा आला-दुआला केई किसमें दे नाच तत्वे कन्नै भरोचे दा ऐ। कुदरत दियां बी किश अपनियां बशेश नाच गतिविधियां होंदियां न।



0337CH14

गतिविधि 1

कुदरत ते शरीरिक गतिविधियां

अपने हथें, बाहें ते शरीर दा इस्तेमाल करियै कुदरती हरकतें गी दस्सने दी कोशश करो, जि'नेंगी तुस कुदरत च दिक्खदे ओ।

कुदरत दे कोल मते सारे बूह टे ते फुल्ल न। उं'दे आकार बी बक्खरे न !

अपने आस्सै-पास्सै दिक्खो-

- जानवर, पैछी, तितलियां ,कीड़े ते जीव-जंतु
- हाथी कि'यां चलदा ऐ, बांदर कि'यां बर्ताव करदा ऐ?
- अपनी पूरी बाह में दा इस्तेमाल करियै , लम्मे कदम चुक्कियै , अपने शरीर गी ल्हाइयै , उं'दे कम्में दी नकल करने दी कोशश करो।

आओ अस अपने कम्में आस्तै ताल ते स्टैपस बनाचै। तुस अपनी अवाजै च गाइयै संगीत बनाई सकदे ओ।

कुदरत दे कुसै बी पैछी, जानवर जां तत्व गी चुनो।

अपने शरीरै दे लौहके ते बड्डे अंगें दा इस्तेमाल करियै गतियें गी दर्शाओ।

मसाल आस्तै, दस्सो जे कि'यां इक मोर लयबद्ध तरीके कन्नै नचदा ऐ:

- अपने सिरै गी अगें ते पिच्छें ल्हाओ।
- अपने दौनें हथें गी फैलाओ।
- अपने पैर अँगठे और उँगलियों पर जोर पाओ।



गतिविधि 3

नाच च कुदरत दी कहानी

हून समां आईं गेआ ऐ जे सभनें गी किट्टे मजा कीता जा।

क्या तुस तयार ओ?

कुदरत चा अपना पसंदीदा विशे चुनो।

मसाल लेई

- गर्मी, मानसून, स्याला, बसंत जनेह मौसम।
- जंगल च इक दिन।
- भारी बरखा।

बदलदे मौसमें च, तुस दस्सी सकदे ओ :

- सोहे आस्तै सूरज - थक्के दे शरीर दे कन्नै इक गोलाकार गति करो।
- स्यालै आस्तै ब्लाऽ - अपने हथें गी इक बक्खी थमां दूई बक्खी घुमाओ।
- मानसून आस्तै बरखा ते तफान -बड्डियां-बड्डियां गैऽ चुक्को ते मुड़ो।
- तुं'दी पसंद दे मताबक, बसंत च होली खेढना।



नाच दे राहें कुदरत दी कहानी सनाओ। परतियै एह दे आस्तै इक दुए दे कन्नै मते तालमेल ते समझ दी लोड़ होंदी ऐ।
क्या तुसें गी कोई नेहा लोक नाच चेता होई सकदा ऐ जेहड़ा तुसें कदे पैह लें सिक्खेआ होऐ ?

चलो शुरू करने आं ...

गतिविधि 4

इक खेतरी गाने पर नाच

क्या तुस साढ़े देश दे बक्ख-बक्ख हिस्सें च गाए जाने आह ले कुसै बी खेतरी गाने गी जानदे ओ ?

क्या तुस अपने दोस्ते दे कन्नै उस गाने पर डांस करी सकदे ओ ?

- ताल दी पन्छान करो।
- बशेश खेतरी नाच आस्तै अपने स्टैप्स बनाने दी कोशश करो।
- इक्कले, जोटे जां समूह च नाच गी प्रदर्शन पेश करो।

स्कूल असेंबली च इस नाच गी करने दे बारे च तुं'दा केह ख्याल ऐ ?

फही चलो **अभ्यास करो, अभ्यास करो ते अभ्यास करो।**

साढ़े देश च बक्ख-बक्ख किसमें दे खेतरी नाच न। अस सबै इंदे चा किश नाच अपने महत्त्वपूर्ण त्हारें जां कार्यक्रमें च दिक्खी सकने आं।

उप्पर दस्सी गेदियें गतिविधियें दा अनुभव करने दे परैत तुसें गी केह मसूस होआ ?



शिक्षक आस्सै नोट

शिक्षक जां माता-पिता गाने दा सुझाई देई सकदे न ते इस गतिविधि च मदद करी सकदे न।

जैदातर लोक नाच इक समूह च पेश कीते जंदे न।

हर इक लोक नाच दा इक स्टेई विशे होंदा ऐ।

लोक नाच अनुष्ठानें, मिलने-जुलने, समारोहें बगैरा दे दुरान कीते जंदे न।

लोक नाच सभनें आसेआ किट्टे पेश कीते जंदे न।

